


程



嘉靖刻本焦氏易林

周易變卦序

大凡變化象數莫逃乎易惟人之情偽最為難知筮者尚占憂者與處貢明且哲乃留其術俞巖耕東鄙自前困蒙客有狂駕蓬廬以焦辭數軸出示俞嘗讀班史列傳及歷代名臣譜系諸家襍說之文盛稱自夫子授易於商瞿僅餘十輩延壽經傳於孟喜固是同時當西漢元成之間凌夷厥政先生或出或處輒以易道上干梁王遂為郡察舉詔補小黄令而邑中隱伏之事皆預知其情得以寵異蒙遷秩亦卒於官次所著大易通變其卦總四千九十六題事本彌綸同歸簡易辭假出於經史其意合於神明但齋潔精專舉無不中而言近意遠易識難詳不可瀆蒙以為辭費後之好事如君行者則于雲之書為不朽矣昔聖唐會昌景盧歲周正主白靈越之雲溪漢王俞序

校定焦貢易林序

承議郎行秘書省校書郎臣黃伯思所校焦延壽易林中或字誤以快為快以羊為手以喜為嘉以鸛為鵲義可兩存焦延壽者名貢梁人以好學得幸梁王王共其資用令極意學學成為郡吏舉補小黃令但有盜先知盜遂無敢舉者考最當遷吏民上書乞留詔許增秩卒于小黃世人謂延壽之法凡筮得其卦則觀其所之卦林以占吉凶或卦爻不動則但觀本卦林辭爻本影有王似者於雍熙二年春遇異人筮得觀之貢林云東行無門西出華山道塞於難遊子為患之語最為有準後之觀者不可不辨延壽所著雖卜筮之書出於陰陽家流然當西漢中葉去三代未遠文辭雅淡頗有可觀覽謹錄上

雜識

前漢書京房字君明治易事梁人焦延壽名貢貧賤好學得幸於梁王王供其資用令極意學既成為郡吏察舉補小黃令以伺候先知姦邪盜賊不得發愛養吏民化行縣中舉為最當遷三老官屬上書願留貢有詔許增秩留卒於小黃貢嘗曰得我
以亡身者京生也其說長於爻變分六十卦更直日用事以風
雨寒溫為候各有占驗房用之尤精

孟康曰分卦直日之法一爻主一日六十卦為三百六十日餘
四卦震離兌坎為方內監司之官所以用震離兌者是二至
二分用事之日又是四時各專主之氣各卦主一日其占法各
以其日觀善惡

紀驗

沙隨程迥記驗

宣和末長慶福崔相公任州日其時晏清無事思此聖書處誠
自卜得大過卦云典冊法書藏在蘭臺雖遭亂精獨不遇災之
遯卦辭曰坐席未溫憂來扣門踰牆而走兵來我後脫於虎口
其時卜後十日州亂崔相公踰牆而出家族不損無事歸京乃
知此書賢人所製初雖難會後詳無不中節見者當所敬重黃
金自貴未能蒙於比書

紹興末完顏亮入寇時有人以焦首易林筮遇解之大壯其辭曰
驕胡火形造惡作凶無所能成遂自滅身其親切應驗如此雖
天網淳風不能過也開闢以來惟亮可以當之延壽著書何以
知後世有亮也其漢焦延壽傳曰多於孟喜行事見儒林傳中此
其所著書也荀直題其前曰六十四卦變又有唐王俞序所書
每卦變六十四總四千九十六首皆為韻語與左氏傳載鳳凰

于飛和鳴鏘鏘漢書所載大橫庚庚予為天王之語絕相類豈
古之卜者有此等書耶

焦氏易林目錄

上經

乾

訟

泰

豫

噬嗑

大畜

坤

師

否

隨

賁

頤

屯

比

同人

蠱

剝

大過

蒙

小畜

大有

臨

復

坎

需

履

謙

觀

无妄

離

下經

咸

明夷

損

恒

家人

益

遯

睽

夬

大壯

蹇

姤

晉

解

萃

升 困 井 革 鼎

震 艮 漸 歸妹 豐

旅 巽 兌 渙 節

中孚 小過 既濟 未濟

焦氏易林卷上

乾之第一 三三三 乾下

乾 道陟多陂胡言連蹇譯脊且龍莫使道通請謁不行求事無功

坤 招殃來整害我邦國病傷手足不得安息
屯 陽孤亢極多所恨惑車傾蓋亡身常憂惶乃得其願雌雄相從

蒙 鵠鵠鳩鳩專一無尤君子是則長受嘉福
需 日暵足動喜如其願舉家蒙寵

訟 龍馬上山絕無水泉喉焦唇乾舌不能言
師 倉盈庾億宜種黍稷年豐歲孰民人安息 一作國家富有民蕃息與此

之升同 坤之恒

比 中夜大吠盜在墻外神明祐助消散皆去

小畜据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道與坤同

否 載日晶光駭駕與龍祿命徹天封為燕王

同人子彌索哺母行求食反見空窠嗚我長息

大有上帝之生福祐日成脩德行惠樂且安寧

謙 山險難登澗中多石車馳轉擊載重傷軸擔載差躓踈跌

右足

豫 禹鑿龍門通利水源東注滄海民得安從一作存

隨 乘龍上天兩蛇為輔湧躍雲中遊觀滄海民樂安處

蠱 彭祖九子據德不殆南山松栢長受嘉福

南山吳天刺政關身疾悲無辜背憎為仇

觀 江河淮海天之奧府衆利所聚可以饒有樂我君子

噬嗑堅冰黃鳥常哀悲愁不見甘粒但見藜蒿數警鷺鷥為我

心憂

賁 室如懸磬既危且殆早見之士依山谷處

剝 大禹戒路蚩尤除道周匝萬里不危不殆見其所使無所

不在

復 三人為旅俱歸北海入門上堂拜謁主母飲勞我酒

無妄傳言相誤非于徑路鳴鼓逐狐不知跡處

大畜三年每妻相逐奔馳終日不食精氣勞疲

頤 純眼黃裳戴上以興德義既生天下婦仁

大過盜並處人民愁苦權兵荷糧戰於齊魯

次黃鳥來葉既嫁不吝念我父兄思復邦國

辭胎生孚乳長息成就充滿帝室家國昌富

咸三人求橘反得大栗女青以富黃金百鎰

恒東山西岳會合俱食百家送從以成恩福

遜野雞無距與鵠交鬪翅折目盲為鳩所傷

大壯卻大墻壞蠹象木折狼虎為政天降罪罰高弒望夷胡亥

以斃趙高望夷

晉三癡俱走迷路失道惑不知歸反入患口

明夷弓矢俱張把彈折絃丸發不至道遇害患

家人三女求夫不見復關伺候山隅長思息歎

蒙陽旱炎炎傷室采穀墻人無食耕夫嘆息

騎狔逐羊不見所望徑涉虎窟亡羝失羔

解暗昧宜語相傳誑誤鬼魅所舍誰知卧處

損姬姜祥淑二人偶食論仁議福以安王室

益公孫駕驪載聘東齊延陵說產遺季紵衣

夬孤竹之墟失婦亡夫傷於疾藜不見少妻東郭堂妻武氏
以亡

姤仁政不暴鳳凰來舍四時順節民安其處

萃任劣力薄辱驚恐怯如蝟見鵠不敢拒格

升衛侯東遊惑於少姬亡我考妣久逝不來

困樽樽所言莫如我恒歡喜堅固可以長安

井鼃鳴岐山鼃應山淵男女媾精萬物化生文王以成爲開

周庭大有屯

革玄黃虺隤行者勞疲役夫憔悴喻時不歸

乾

鼎 弱足則跟不私出門市賈不利折亡為患

震 懸恒素餐居非其安失與剝廬休坐徒居

艮 民怯伐惡姦人所伏寇賊大至入我邦郭妻子係獲一本為婦

辭妹

漸 陽低頭陰仰首水為凶傷我賢進不利生其子

歸 妹背北相憎心意不同如火與金一本為艮辭

豐 太微帝室黃帝所值藩屏固衛不可得入常安無患

旅 繭栗犧牲敬享鬼神嗜飲食受福多孫

巽 出門逢惡為患為怨更相擊刺傷我手端

兌 鷓飛中退舉事不進宋人亂潰

渙 跛踣相隨日暮牛罷陵遲後旅失利亡唯泰之復

節 龍角博顛位至公卿世祿久長起動安寧

甲子舜升大禹石夷之野徵詣王庭并治水土師之小畜同

小過 從風放火荻芝俱死三害集房叔子中傷

既濟 梗生荆山命制輸班袍衣剝脫夏熱冬寒飢餓枯槁眾人莫憐

未濟 長面大鼻來解已憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂盛

屯 蒼龍單獨與石相觸摧折兩角室家不足

蒙 城上有馬自名破家招呼醜毒為國災患

需 霜降閉戶蟄虫隱處不見日月與死為伍小畜

訟 天之德室溫仁受福衣裳所在凶惡不起

師 皇陛九重絕不可登謂天蓋高未見王公

比 孔德如玉出於幽谷飛上喬木鼓其羽翼輝光照國

小畜五範四軌復得饒有陳力就列騶虞悅喜履四足無角君

子所服南征述職以惠我國

履 弊苟在梁飭逸不禁漁父勞苦連室乾口

泰 雷行相逐無有攸息戰于平陸為夷所覆

否 六龍爭極服在不飾謹慎管鑰結禁無出

同人長男少女相向共語折薪在尅福祿歡喜

大有遷延惡人使德不通災火為殃禾穀大傷

謙 修其翰翼隨風向北至虞夏國與舜相得年歲大樂邑無

盜賊

豫 鈇刀攻玉堅不可得盡我筋力眠繭為疾比過之

隨 舉袂覆目不見日月衣裳簪簪長夜室泰同

蠱 賊人傷德大怒不福斬刈宗社失其邦國

臨 白龍赤虎戰鬪俱怒虫尤敗去死於魚口

觀 北辰紫宮衣冠立中含和建德常受天福鯽之映坤之

噬嗑稷為堯使西見王母拜請百福賜我嘉子

賁 二人異趣反覆迷惑一身五心亂無所得

剝 南山大獲盜我媚妾怯不敢逐退而獨宿

復 衆尤所逐反作大怪九身無頭鬼驚鬼去不可以居

無妄延頭遠望昧為目病不見叔姬使伯心憂

大畜典冊法書藏在蘭臺雖遭亂潰獨不遇災大有

頤 自衛反魯時不可與冰炭異室仁道隔塞

大過溜癭瘡疥為身瘡害疾病瘡殘常不屬遠

坎 東齊郭盧嫁於洛都俊良美好媒利過倍

離 齊魯爭言戰於龍門構怨連禍三世不安此之貴之

咸 膏澤肥壤農人豐敬利居長安歷世無患此之師

恒 倉盈庾億宜種禾稷年豐歲熟民得安息

遯 鴟鴞破斧邦人危殆賴且忠德轉禍為福傾危復立

大壯 歲飢無年害政害民乾溪驪山秦楚結冤

晉 桀虐夏紉結難解媼母銜嫁媒不得坐自為身禍

明夷 言取開門鶴鳴彈冠章甫進用舞韶和鸞三人翼事國無

災患

家人 姊妹本居與類相扶碩累群醜不離其友

睽 邾鄆友言父兄生患此少此憂恨卒死不還

蹇 三人逐兔各爭其得惡及交善走多獲其子

解 北辰紫宮衣冠立中令和建德常受天福坤之解

損 拜跪請免不得其哺俛首銜枚低頭北去

益 鶴盜我珠於東隅求我郭墟不見所居

夬 一簣兩舌妄言謀訣三姦成虎曾母投杼

姤 伯虎仲能德義洵美使布五谷陰陽順序一作孤獨特處

勞苦使布五
谷陰陽順序

萃 褰衣涉河澗流浚多賴遇舟子濟脫無它

升 憑河登山道路阻難求事少便

困 免置之容不失其恭和謙致樂君子攸同

井 三女求夫伺候山隅不見復關泣涕連洳

革 螟蟲為賊害我五穀箕筭空虛家無所食需之

鼎 望尚阿衡太宰國公藩屏輔弼福祿來同

震 三年生狗以成戌母荆夷上侵姬伯出走需之始

艮 塗回道塞求事不得

漸 探懷得蚤所原失道一本下有無有

歸妹 飛蟻遇道趾多攪垣居之不安覆厭為患

豐 義不勝情以欲自傾幾危利寵折角摧頸

旅 潼瀉蔚奮扶首來會津液下降流潦滂霈

巽 白駒生芻荷荷盛姝赫誼君子樂以忘憂

兌 車馳人趨卷甲相仇齊魯寇戰敗於大丘

渙 舉首望城不見子真使我悔生

節 龍鬪時門失理傷賢內畔生賊則生禍難

中孚 安如泰山祿祐屢臻雖有豹虎不敢危身

小過 初息後喜與福為市八佾列陳飲御嘉友坎之

既濟 持刀操肉對滿不食夫行從軍少子入獄抱膝獨宿

未濟 陰衰老極陽建其德履難戴光天下照明功業不長蝦蟇

代王否之无妄

屯之第三

屯 兵征大宛北山玉關與胡寇戰平城道西七日絕糧身幾

不全

乾 汎汎栢舟流行不行耿耿寤寐心懷大憂仁不逢時復隱

窮居

坤 採薪得麟大命墮顛豪雄爭名天下四方豫之

蒙 山崩谷絕大福盡竭涇渭失紀玉曆盡已

需 夏臺姜里文王所厄鬼侯輸賄商王解合

訟 泥津汗辱棄捐溝瀆所共笑哭終不顯錄

屯

師李梅冬實國多盜賊擾亂並作君不得息詞人

比獐鹿逐牧飽歸其居反還次舍無有疾故畜

小畜夾河為婚期至無船搖心失望不見所歡

履百足俱行相輔為強三聖翼事主室寵光此之

泰坐位失處不能自居陰陽顛倒

否登几上輿駕駟南遊合從散橫燕秦以強

同人三系弩無益於輔域弱不守郭君受討

大有河伯大呼津不得渡船空無人往來亦難

謙甘露醴泉太平機關仁德感應歲樂民安師之

豫重茵厚席循高採藿雖躑不懼後反其處云後墮高林不踐手足保我

隨太乙駕騶從天上來徵我叔季封為魯侯無有凶憂需之

世大

蠱南已大安石斛戰天不指不已已老復一將羣乃嫁墟弊

室舊更為新家

臨家給人足頌聲並作之時賓伏干戈鞞閣觀一作

觀東隣嫁女為王妃后莊公築館以尊主母歸于京師季姜

悅喜一作臨卦

噬嗑陳媯敬仲北與齊姜營丘是適八世大昌始之

賁路多枳棘步刺我足不利旅客為心作毒損卦

剝天官列宿五神室屋空門完堅君安其居

復牧羊稻園聞虎呻喧懼畏惕息終免禍患否之

無妄鳴條之災北奔大胡左衽為長國號匈奴主君旌頭立尊

單于

屯

大畜尅身潔已逢禹巡狩錫我玄珪拜受錫佑
頤冬華不實國多盜賊疾病難醫鬼哭其室
大過襄送季女至于蕩道齊子旦夕留連久處
坎朽根倒樹花葉落去卒逢火焮隨風偃仆
離陰變爲陽女化作男治道得通君臣相承
咸炎絕續光光滅復明簡易理得仍成乾功
恒多載重負捐棄于野王母誰子但自勞苦
遯江河海澤衆利安宅可以富有飲御嘉客
大壯冬採薇蘭地凍不堅難利走 比暮無所得
晉鳥鵲嘻嘻天火將起燔我室屋災及死后
明夷蠱室蜂戶螫我手足不可進取爲身害咎緩之
家人雀鬼北獄天神貴客温仁正直主布恩德開衣不已蒙受

大福

睽伯蹇叔盲莫與守牧失我衣裘代已除服
蹇爲季求婦家在東海水長無船不見欣歡
解山陵丘墓鬼鬼失舍精神盡竭長寢不覺
損踣牛失角下山傷軸失其利祿過在誰孰
益水戴船舟無根以浮往來溶溶心勞且憂
夬有鳥來飛集于宮樹鳴聲可惡主將出去
姤東徙不時觸患離息并泥無濡思叔舊屨
萃黃帝所生伏羲之宇兵刃不至利以屨止緩之
升東山拯亂處婦思夫勞我君子役使休止
困跛躓未起失利後市不得鹿子
井大蛇當路使我畏懼湯火之災切近我膚賴其天幸趨於

主廬損之

革 從容長閑遊戲南山拜辭祀神神使免患一作

鼎 區脫康居慕仁入朝湛露之歡三爵畢因復歸野廬與母

相侯

震 龜蟹列市河海饒有長財善賈商季悅喜一作

艮 年常蒙慶今歲受福三伏採芭出君有得

漸 二人俱東道路爭訟意乖不同使我凶凶

歸妹 樹栽藿豆為鹿充食君不慎護秋無收入

豐 黃鳥悲鳴愁不見星困於鷲鷁使我心驚

旅 雙鳧俱飛欲歸稻池經涉荏澤為矢所射傷我齒臆否之

巽 父客無休息歸故鄉霖雨盛溢道未得通

兌 道路僻除南至東渚衛子善辭使國無憂

渙 同枕共袍中年分去價少無利獨居愁思

節 衆神集衆相與議語南國虐亂百姓愁苦興師征討更立

賢主小畜

中孚 北陸閉壑隱伏不出目盲耳聾道路不通

小過 痴狂妄作心誑善惑迷行失路不知南北

既濟 棟隆輔強寵貴日光福善並作樂以高明

未濟 受我嬰女牽衣不與冀幸高貴反曰賤下

蒙之第四

蒙 何草不黃至未盡玄室家分離悲愁於心

乾 海為水王聰聖且明百流歸德無有畔逆常饒優足損之

坤 天之所佑禍不過家左輔右弼金玉滿匱常盈不亡富如

駁倉

蒙

六十一

屯 安息康居異國穹廬非吾習俗使我心憂

需 范公陶夷善賈飾資東之營丘易字子皮把珠載金多福

利婦

訟 老楊日衰條多枯枝爵級不造遂乃摧隕泰之

師 小狐渡水汗濡其尾科得其幾與道合符

比 豕生如魴鼠舞庭堂雄俟施姜上下昏荒君失其邦

小畜 天地配亨六位光明陰陽順序以成厥功訟之

履 蹀躞足傷右指病癱失旅後時利不走歸

泰 思体同恩各有所屬西隣孤媪欲寄我室主母罵譽求子

不得

否 操耜鄉畝祈貸稷黍飲食充口安和無咎

同人 新受大喜福祿重來樂且日富蒙庶得財

大有 舉盃飲酒指宜失取無益溫寒亡利不懼

謙 日月相望光明盛昌三聖茂承功德大隆師之節 否之貴

豫 猶夫爭強民去其鄉公孫叔子戰於城南

隨 猿墮高木不踈手足保我全至還婦其室否之臨 蠱之豫

蠱 逐狐東山水遇我前深不可涉失利後便

臨 鑿井求玉非下氏寶名困身辱勞無所得

觀 黃玉溫德君子所服甘露溽暑萬物生茂

噬嗑 畫龍頭頸文章不成甘言美語說辭無名

賁 招禍致凶來弊我邦病在手足不得安息

剝 履位束勢蘇有絕斃贊為隸圖與衆庶伍

復 獐鹿雉兔羣聚東圃盧黃白脊俱往追逐九辭十得君子

有喜

無妄織金未成緯盡無名長子遂免鹿失先路見利不得

大畜天厭周德命與仁國以禮靖民立革休息

願重譯買芝來除我憂善說遂良與善相求

大過膏澤肥壤人民安樂宜利俱止長安富有

以白龍黑虎起鬚暴怒戰於阪泉蚩尤敗走居止不殆君安

其所益之人也

離抱關傳言龔跛摧筋破賊無災不安其所

咸憂禍解除喜至應象坐立歡門與樂為鄰小畜

恒折鋒載父與馬放休狩軍褒營天下安寧

遯至德之君仁政且温伊呂股肱國富長安

大壯千里望城不見青山老兔蝦蟆滾絕無家

言有莘季女為夏妃后曹夫壽子姪子四海

明夷不虞之患禍至無門奄忽暴卒痛傷我心

家人飛鷹退去不食雞雞憂患心解君主安居

睽踉蹉側跌申酉為崇亥戌滅明顏子隱藏

蹇司錄馮怒謀議無道商民失政殷人乏祀

解望鷄得雛求馬獲駒大德生少有廖從居

損切切恒恒如將不活黍稷之恩靈輒以存獲生保年

益莫莫輯輯夜作書匿謀議我資來攻我室空盡我財幾無

我食

夬天之所壞不可強支衆口遭笑雖貴必危

姤目動頰睨喜來加身舉家蒙歡吉利無殃

萃龍羹芬香染指拂裳口飢打手公子恨讒

升天福所豐兆知飛龍成手得志六二已興

蒙

困 氓伯以婚抱布自媒棄禮急情卒惟悔憂

井 夏姒親附心聽悅喜利以博取無言不許

革 南山旻天刺政閔身疾悲無辜背憎為仇一作良卦

鼎 三人為旅俱歸北海入門上堂拜謁王母勞賜我酒

震 陽淫旱病傷害稼穡喪刈病來農人無食一作井卦

艮 攫飯把肉以就口食所往必得無有虛乏一作革卦

漸 鳥飛無翼兔走折足雖欲會同 得已惑

歸妹 体重飛難不得踰關行坐憂愁不離室垣

豐 四雄並處人民愁苦擁兵東西不得安所

旅 譯重開牢求解已憂心感乃成與善俱居

巽 患解憂除主母相於與喜俱來使我安居

允 冬生不花老女無家霜冷蓬室競為枯株

渙 震慄恐懼多所畏惡行道留難不可以涉

節 三夫共妻莫適為雌子無名氏翁不可知

中孚 阜凋被霜花葉不長非時為 家受其殃

小過 雉兔之東狼虎所食貪叨凶惡不可止息

既濟 馬驚破車王墮深溝身死竟去離其室廬

未濟 山林麓藪兆人所 鳥獸無禮使我心苦

需之第五

需 久旱三年草木不生桑盛空乏無以供靈

乾 火滅復息君明其德仁人可遇身受利祿

坤 温山松栢常茂不落鸞凰所庇得其歡樂恬之

屯 四誅不服恃強負力倍道趨敵師徒敗覆隘之

蒙 三塗五岳陽城大室神明之保獨無丘革

訟 三牛生狗以戍其母荆夷上侵姬伯出走坤之震

師 鳧遊江海没行千里以為死亡復見空桑長生樂鄉

北 太乙駕騶從天上來徵君叔季封為魯侯無有凶憂隨之否

世大

小畜任宿獨居寡處無夫陰陽失志為人僕使

履 兵征大宛北出玉門與胡寇戰平城道西七日絕糧身幾

不全與屯

泰 楚靈暴虐能及民力禍起乾溪棄疾作毒扶杖奔逃身死

亥室

否 雌單獨居歸其本巢毛羽憔悴志如死灰

同人兩予相刺勇力鈎敵交接結和不破不缺交緩名也

大有乘船渡濟載水逢火賴幸免禍蒙我生全

謙 喪寵益尤政傾宗不覆我宗失國秦滅周室

豫 冬無藏兵春吐不通陰流為賊國被其殃

隨 田鼠野雞意當欲逃拘制籠檻不得動搖

蠱 佩玉藻兮無所繫之旨酒盛莫與笑語孤寡獨特當愁

憂苦

臨 沒游源口求鮫為室家危台懼復出生道

觀 河水孔穴壞敗我室水深無岸魚鼈傾倒

噬嗑教羊牧免使魚捕鼠任非其人費日無功

賁 升戶入室就溫暖食冰凍北陸寒不得賊

剝 孤竹之墟失婦亡夫傷於蒺藜米見少妻東郭堂姜武氏

破亡乾之

復 凶禍災殃日益明彰福不可釐三郤夷傷

需

無妄載璧乘珪請命于河周公尅敏冲人瘳愈
大畜鳥飛鵲舉昭臨東海龍降庭堅為陶叔後圭析英雄履福

綏厚謙之

頤 危坐至暮請求不得膏澤不降政戾民惑

大過宜昌娶媼東家歌舞宴樂有緒長安嘉喜

坎 鑿井求玉非卞氏寶名困身辱勞無所得蒙之

離 鵠思其雄欲隨鳳東順理羽翼出次日中須留北邑復反

其室

咸 早霜晚雪傷害禾麥損功棄力飢無所食遯之

恒 蝠螺生子深自黑醜雖飾相就眾人莫取

遯 去如飛鴻避凶直東遂得全脫與福相逢

大壯婚姻合配同枕共牢以降休嘉子孫封侯

晉 咸陽辰巳長安戌亥丘陵生止非魚鱉市不可避阻終無

悔咎

明夷蝮虫為賊害我五穀箠笥空虛家無所食艸之

家人謀恩拜德東歸吾國慷慨宴笑歡樂有福

睽 齋具贖狸不聽我辭係於虎鬚牽不得來革之

蹇 比目附翼歡樂相得行止集同終不離或

解 一指食肉口無所得染其鼎鼎古饒於腹

損 曳綸江海釣掛魴鯉公孫得利以享仲友

益 商紂牧野顛敗所在賦斂重數黎元愁苦

夬 北辰紫宮衣冠立中含和達德常受天福坤之觀

姤 輕戰尚勇不知兵權為敵所制征師北奔

萃 大口宣舌神使伸言黃龍景星出應德門興福上堂天下

需

安昌大有之蠱

升 凶子禍孫把劍向門凶訟觀置驚駭我家一作爭訟

困 祝伯善言能事鬼神辭祈萬歲使君延平

井 珪璧琮璋執贄見王百里審威應聘齊秦訟之

革 昧且乘車履危蹈溝亡失裙襦摧折兩軸

鼎 膠着木通不出牛欄斯鄉繫羊家室相安

震 卷舌遁世仁德不舎三聖攸同周家茂興

艮 黍稷禾稼垂秀方造中旱不雨傷風枯槁

漸 冠帶南遊與福喜期邀於嘉徵拜為公卿

歸妹 一巢九子同公共母柔順利貞出入不殆福祿所在

豐 韓氏長女嫁於東海多貌美好宜家富壽利得十倍

旅 因禍受福喜盈我室先人後已所願必得

巽 晉平有疾迎醫秦國病乃大怒分為兩豎逃匿自上伏於

膏下和不能愈
兌 豺飛門啓患憂大解脩福行善不為身禍同人

渙 追亡逐北呼還雅叔至止而得反其室廬

節 鳥鳴旣端一呼三顛動搖東西危慄不安疾病無患

中孚 龍化為虎泰山之陽衆多從者莫敢救藏

小過 炎風忽起車馳竭竭棄名追亡失其和節憂心惙惙

既濟 遊居石門祿安身全受福西隣歸飲玉泉

未濟 登高上山見王自言申理我究得職蒙恩訟之未

訟之第六

訟 文巧俗弊將及大質僵死如麻流血漂楸皆知其母不識

其父干戈乃止

乾 文王四乳仁愛篤厚子畜十男無有夭折

坤 日入望車不見于家長女無夫左手搔頭

屯 東上泰山見堯自言申理我冤以解憂患

蒙 奎軫温湯過角宿房宣時布和無所不通

需 引鬣牽鬚雖懼無憂王母善禱禍不成災

師 鳧得水沒喜笑自啄毛羽悅澤利以攻王公出不復栢氏

容宿

比 水流趨下欲至東海求我所有買魴與鯉 止

小畜 猶鹿逐牧安飽其居反還次舍無乃疾故屯之

履 樹植藿豆不得芸鋤王事靡盬秋無人收

泰 弱水之西有西王母生不知若與天相保行者危殆利居

善喜

否 數窮窮落困於歷室幸登玉堂與堯侑食

同人 子鉏執麟春秋作陰元聖將終尼父悲心

大有 尹氏伯奇父子生離無非被辜長舌所為

謙 播木折枝與母別離九事難和絕不相知

豫 眇雞無距與鵲格鬪鉗折目盲為鳩所傷復歸野廬與母

相扶

隨 甲乙丙丁俱歸我庭三丑六子入門見母

蠱 桑葉螟蠹衣弊如絡女工不成絲布為玉

臨 開牢闕門巡狩釋寬夏臺姜里商文悅喜

觀 欽明之德坐前玉食必保嘉善長受安福

噬嗑 武夫司空多口爭訟金火當戶民不安處年飢無有

賁 紫闕九重尊嚴在中黃帝堯舜履行至公冠帶垂衣天下

康寧

剝 負牛上山力少行難烈風雨雪遮逼我前中道復還憂者
日歡

復 褰兔缺唇行難齒寒口痛不言為身生患

無妄合体比翼喜耦相得與君同好使我有福

大畜憤憤不脫憂從中出喪我寶具亡妾失位

頤 兩心不同或從西東明論終日莫適我從

大過啞啞笑言與喜飲食長樂行觴千秋起舞拜受大福

坎 初憂後喜與福為市八佾列陳飲御諸友坤過

離 西徙無家破其新事主孫失利不如止居

咸 鳳凰在左麒麟處右仁聖相遇伊呂集聚時無殃咎福為

我母

恒 區脫康居慕仁入朝淇露之歡三爵畢恩復歸舊廬坎

遯 疾貧望幸使伯行販曹販市井開牢擇羊喜得天祥

大壯處高不傷雖危不亡握珠懷玉還歸其鄉

晉 右手棄酒左手收拌行逢禮御餌德玉杯

明夷養虎牧狼還自賊傷大勇小捷雖危不亡

家人戴堯扶禹松喬彭祖西遇王母道路夷易無敢難者巽師

離

睽 秋冬採巢不得鵲鷦銜指北去慙我少姬

蹇 兩羝三羊俱之我鄉留連多難捐其食糧

解 南徙無虞鳥破其巢伐木思切不利動搖

損 爭訟不已更相牽擊張李弱口被髮北走

益 延頸望酒不入我口初喜後否利得無有履之

訟

夫被髮傾走寇逐我後亡失刀兵身全不傷
始麟鳳所遊安樂無憂

萃寒衣涉河水深請罷賴幸舟子濟脫無他

升憤憤不脫憂從中出喪我金璽無妄失位

困解跳不遠心與言反尼父妄行蒼莖未華

井大壯肥特惠我諸舅內外和睦不憂飢渴

革黃帝建元文德在身祿若陽春封為魯君

鼎虎聚磨牙以待豚猪往必傷亡宜待止居一作虎厲其牙以待大猪往必

傷成摧敗無餘利以止居

震天地配享立位光明陰陽順序以成厥功天下和平蒙之

艮猿墜高木不踈手足保我金玉還歸其室蒙之履

漸營室紫宮堅不可攻明神達德君受大福

婦妹孤羽寡婦獨宿悲苦目張耳鳴無與笑語婦妹之履

豐低頭竊視有所畏避行者不至酒酸魚敗衆莫貪嗜

旅載金販狗利棄我走藏匿淵底悔折為咎

巽行觸大諱與司命忤執囚東繫拍制於吏憂人有喜嗣

允執玉歡喜佩之解纒危詳及安使我無患

渙機杼騰擾女功不成長妹許嫁衣無襦袴聞禍不成凶惡

消去

節金人鐵鉅火燒左右雖懼不恐獨得全處

中孚謝恩拜德東婦吳國舞蹈歡躍恣樂受福

小過青牛白咽呼我俱田歷山之下可以多耕歲樂時節民人

安業

既濟白雉羣鳩暮德貢朝湛露之恩使我得懼

未濟避患東西反入禍門糟糠不足息愈我心

師之第七

師 鳥鳴呼子哺以酒脯高樓之處子來歸母嗇人成功年歲大有妬婦無子

乾 一簧兩舌佞言諂語三姦成虎曾母投杼

坤 春桃生花季女宜家享福且多在師中吉男為邦君

屯 殊類異路心不相慕牝牛牡猴獨無室家

蒙 折葉蔽目不見稚叔三足孤鳥遠其元夫

需 雀東求粒誤入罔域賴逢君子脫復喘息

訟 王孫季子相與孝友明允篤誠升擢薦舉為國藩輔

比 削木無枝與子分離飢寒莫食獨立哀悲

小畜 舜升大禹石夷之野徵明王闕拜治水土

履 義不勝情以欲自營見利危寵滅君令名

泰 三人北行六位光明道途遇淑女與我驥子

否 羿張鳥號殼射天狼柱國雄勇闔死滎陽

同人 季姬踟躕結衿待時終日至暮百兩不來

大有 鴻鴈翩翩始若勞苦災疫病民鰥寡愁憂

謙 穿曾狗邦僵離旁春天地易紀日月更始

豫 北山有棗使叔壽考東嶺多栗宜行賈市陸梁雌雄所至

利喜

隨 干旌旌旗執幟在郊雖有寶珠无路致之

蠱 精潔淵塞為讒所言證訊詰請繫於枳温甘棠聽斷怡然

蒙恩

臨 玄黃虺隤行者勞罷役夫憔悴踰時不歸

師

易林上

三

觀 膚敏之德發憤忘食虜豹禽說為王求福以成主德儻
噬嗑采唐沫鄉要我桑中失信不會憂魚約帶
賁 伯寧子福惠我邦國蠲除苛殘使季無患
剝 讒父佞雄賊亂邦國生離忠孝敗困不福
復 淵泉隄防水道通利順注湖海邦國富有
無妄江南多蝮螫我手足寃繁詰屈痛徹心腹
大畜三人俱行別離獨宿一身五心反覆迷惑亂無所得
頤 鷺鳴庭中以戒災凶重門擊柝備不速客
大過功成事就拱手安居立德有言坐飭貢賦
坎 國亂不安兵革為患掠我妻子家中飢寒
離 戴堯扶禹從喬彭祖西遇王母道路夷易無敢難者
咸 長尾委蛇畫地成河深不可涉絕無以北惆然噴思

恒 乘龍從蛻微詣北闕乃元宣室拜守東城鎮烈黎元舉家

蒙福

遯 土與山連終身無患天地高明萬歲長安
大壯 久旱水涸枯槁無澤虛修其德未有所獲
晉 依山倚地凶危不至上清下降君受其利
明夷 火烈不去必殪僵仆燔我衣裾福不可悔
家人 配合相迎利之四卿欣喜與釋所言得當
睽 清人高子久屯外野道遙不歸思我慈母
蹇 武庫軍府甲兵所聚非里邑居不可舍止
解 王德五材和合四時陰陽順序國無外災
損 解衣毛羽飛入大都晨門戒守鄭忽失家
益 削根燒株不生肌膚病在心腹日以焦枯

夫 文山紫芝雍梁朱草生長和氣福祿來處

始 多載重負捐弃于野小任其大但自勞苦

萃 鳥雁啞啞以水為家雌雄相和心志娛樂得其歡欲

升 耳目盲聾所言不通佇立以泣事無成功

困 天宮列宿五神所舍宮闕堅固君安其居

井 范子妙材戮辱傷膚然後相國封為應侯

革 秋冬採巢不得鵲雛街指北去慙我少夫

鼎 子畏於匡厄困陳蔡德行不危竟脫厄害

震 鴻飛在陸公出不復仲氏往只伯氏客宿

艮 鶴鳴九臯避世隱居抱朴守真竟不相隨

漸 舜升大禹石夷之野徵詣王闕拜治水土師之中乎

歸妹 左輔右弼金玉滿匱常盈不亡富如殿倉與蒙之坤

豐 崔嵬北岳天神貴客衣冠不已蒙被恩德

旅 空槽注猪豚豕不到張弓視雞雄鳩飛去

巽 胡蠻戎狄大陰所積涸冰凍寒君子不存

兌 甘露醴泉太平機關仁德感應歲樂民安謙之

渙 惡來呼伯煩驚外客中守閉宅以備凶黠臨折之憂將滅
無災

節 日月相望光明盛昌三聖茂功仁德大隆蒙之謙

中孚 葛藟蒙棘花不得實讒佞亂政使恩壅塞

小過 鄰不我顧面莖玉女身多癩疾誰肯嬾者

既濟 精誠所在神為之輔德教尚中彌世長久三聖與為多受

福祉

未濟 錯木取火掘地索泉主母飢渴子為心福

比之第八

比 鹿得美草嗚呼其友九族和睦不憂飢乏同人恆蹇

乾 繼祖復宗追用成康光照萬國享世久長

坤 麟子鳳雛生長嘉國和氣所居康樂無憂邦多哲人

屯 灼灼泉源釣鯉山顛魚不可得火不肯燃小畜

蒙 彭生為吳白虎行菑盜堯衣裳桀跖荷兵青禽昭夜三日

夷傷

需 黍稷醇醴敬奉山宗神嗜飲食甘雨嘉降黎庶蕃殖獨蒙

福祉時災不至

訟 李花再實鴻卯降集仁哲權輿蔭國受福小畜之小過

師 千歲之墟大國所箸不見子都城空無家

小畜公子王孫把彈捫丸發輒有得室家饒足

履 驪姬讒嬉與二嬖謀譖殺公子賊害忠孝申生以縊重耳

奔走

泰 長生無極子孫千億栢桂載梁堅固不傾

否 失意懷憂如幽狴牢亡子志又夫附托寄居

同人 仁智隱伏麟不可得龍蛇潛藏虛居堂室

大有 列潔堞堞締結難解嫫母銜嫁媒不得坐自為身禍

謙 鳥飛墜木不毀頭足保我羽翼復歸其室

豫 陳媯敬仲兆興齊姜乃適營丘八世大昌姤之師屯

隨 過時不歸雌雄苦悲徘徊外國與母分離

蠱 齊魯爭言戰於龍門構怨連禍三世不寧坤之在離同

臨 府藏之富王以賑貸捕魚河海苟願多得損之睽同

觀 鳴鶴北飛下就稻池鱸鮪鯉鯉衆多饒有一苟獲兩利得

過倍

噬嗑蒼梧鬱林道易利通元龜象齒寶貝南金為吾歸功

賁 兩火爭明雖聞不傷分離且忍全我弟兄

剥 伯夷叔齊貞廉之師以德防患憂禍不存 泰之乾

復 季去我東髮櫛如蓬展轉空牀內懷憂傷 賁本作

無妄百足俱行相輔為強三聖翼事三室寵光

大畜擁遏隄防水不得行火盛陽光陰蛻伏藏退還其鄉

頤 騰蛇乘龍歲飢蓬蓬年歲飢凶民食草蓬

大過鉛刀攻玉堅不可得盡我筋力眠繭為疾 坤之

坎 恒山浦 高邑 在陰氣不淋洪水弗處牢人開戶

離 比目四翼來安我國福善上堂與我同牀 損之隨同

咸 杜口結舌心中怫鬱去留患生莫所告宥 否之巽

恒 牽尾不前逆理失臣惠朔以奔

遯 早霜晚雪傷害禾麥損功棄力飢無所食 需之

大壯適戍失期患生無聊懼以發憂開藏閉塞邦國窮愁

晉 昊天白日照臨我國萬民康樂咸賴嘉福

明夷元吉无咎安寧不殆

家人懿公淺愚不深受諫無援失國為狄所賊

睽 城上有鳥自號破家呼喚鴝毒為國患災

蹇 長股喜走趨步千里王良嘉喜伯樂在道申生見母下有

由子

解 耕石山顛費種家貧無聊虛作苗髮不生

損 二人異路東趨西步千里之行不相知處

益 純服素裳載主以興德義茂生天下歸仁

比

比

二

夫五銳鐵頭倉庫空虛賈市為盈與利為仇

姤登崑崙入天門過糟丘宿玉泉門惠觀見仁君

萃團團白日為月所食損上毀下鄭昭出走

升倉盈庾億宜稼黍稷年豐歲熟國家富有坤之師

困虎狼結謀相聚為保思嚼牛羊道絕不通傷我商人

井中年摧折常恐不活老賴福慶光榮相輔

革同載共車中道分去喪我元夫獨與孤苦隨之比

鼎飲酒醉酗距跳爭鬪伯傷叔僵東家治喪

震出值凶災逢五赤頭跳言無祐扶杖伏聽不敢動搖

艮狼虎爭強禮義不行兼吞其國齊魯無王小畜之隨

漸南國少子方畧美好求我長女賤薄不與反得醜惡後乃

不悔吝之

婦妹一身兩頭莫通其軀無見我心亂不可治

豐李耳橐鵲更逢恐惜擾余以腹不能舉格

旅栢桂棟梁相輔為強入敷五教王室寧康

巽雀行求食慕婦呼乳友其屋室安寧如故

兌四尾六頭為凶作妖陰不奉陽上失其明

渙一旅三關結緝不便岐道異路日暮不到

節牙蘗生齒室堂啓尸幽人利貞鼓翼起舞

中孚春鴻飛東以馬貨金利得十倍重載歸鄉

小過歡悅以喜子孫俱在守強能忍不見殃咎

既濟精神消落形骸醜惡齟齬頓挫枯槁腐蠹

未濟登高上山見王自言申理我饒得職蒙恩

小畜第九

畜

卷之二

二

小畜白鳥銜餌嗚呼其子施披張翅來從其母伯仲季叔元賀

舉手

乾 東遇虎蛇牛馬奔驚道絕不通商困無功

坤 子鉏獲麟庶士開元豪雄爭名都邑倍遊

屯 灼火泉源釣魚山顛魚不可得火不肯燃坤之

蒙 機關不便不能出言精誠不通為人所冤

需 故室舊廬稍蔽絞沮不如新巢可治樂居

訟 蛟蛇循流東求大魚預且舉網庖人歌謳

師 鑿山通道南至嘉國周公所祝襄適荆楚

比 鵲足却縮不見頭目日久困急不能自復

履 五舌啄雞各自有言異國殊俗使心迷惑所求不得

泰 天門開闢牢戶寥廓桎梏解脫山縱釋

否 堅冰黃鳥啼哀悲愁數驚鷺鷓鴣飄為我憂

同人 日走月步趣不同舍夫妻反日主君失尼

大有 金牙鐵齒西王母子無有患夙候舍陟道別來不久

謙 式微式微憂禍相絆隔以岩山室家分散

豫 衆神集聚相與議語南國虐亂百姓勞苦興師征伐別立

賢主

隨 虎狼爭食禮讓不能兼吞其國齊晉無主比之

蠱 寄生無根如過浮雲本立不固斯須落去更為枯樹

臨 子啼索哺母行取食反見空巢紫弋長息

觀 駕駟逐狐輪掛荆棘車不結轍公子無得

噬嗑 方啄廣口仁智聖厚釋解倒懸唐國大安

賁 駕福乘喜東至嘉國戴慶南行移居安宅

小畜

剥 孔鯉伯魚北至高奴木馬金車駕遊大都王母送我來牝

特駒

復 三足無頭不知所之心狂精傷莫使為明不見日光

無妄駭牝龍身目越三千南上蒼梧與福為婚道里夷易安全

無患

大畜辰次降婁王駕巡狩廣佑施惠國安無憂望季不來

願 望車不到王子逐走馬騎脚傷失迹不得曷其有常

大過中原有救以待饗食飲御諸友所求大得

坎 亂茅縮酒靈巫拜禱神怒不許瘁 愁苦

離 李華再實鴻卵降集仁哲以興蔭國受福比之小過 訟豫

咸 原出陵足行於山趾不為暴堂民得安居

恒 客入其門奔走東西童女不織土棄耕畝蒸骨千里歲飢

民苦

遯 天之所予福祿常在不憂危殆

大壯蝗食我稻驅不可去實種無有但見空槁

晉 牛騎同堂郭氏以亡國破空虛君奔走逃

明夷狗無前足陰謀其比為身賊害何以安息

家人兩輪自轉南上大阪四馬共轆無有重難與禹笑言

睽 茅蘄生達陽昌於外左手執簋公言錫爵

蹇 秋花冬萼數被嚴霜甲兵當庭萬物不生雄火夜明民擾

大驚

解 霜降閉戶蟄虫隱處不見日月與死為伍坤七

損 身載百里功加四海為文開基武立天柱

益 禹作神鼎伯益銜指斧斤高閣憧立獨坐青真貝不佳離困

小畜

為害

夫福祚之聚喜至憂除如魚逢水長樂受庇

姤蒼龍隱伏麟鳳遠匿寇同處未得安息

萃白鶴啣珠夜食待明懷胡德音身受光榮

升朝生夕死名曰嬰鬼不可得祀

困行役未已新事復起姬姜勞苦不得安息

井憂患解除喜至慶來坐立懽忻與樂為隣蝶之

革晨風天翰大舉就温昧過我邑弄無所得

鼎下田種黍芳花當齒大雨淋漓集紛榮滿壅淋集一作淋集

震鳥庇茂林君子碌碌心樂願得見者有穀

艮拆臂踈足不能進酒祠祀閑曠神怒不喜

漸學靈三年仁聖且神明見善祥吉喜福慶鳴鳩飛來告我

無憂一作鹿鳴鴻飛鳴見善祥

歸妹三婦同夫志不相思心懷不平至常愁悲

豐中田高黍以享王母受福千億所求大得

旅陽火不憂三耕喜至慶來降福為我鼓瑟歌謠送喜

兌陽明不息君無恩德伯氏失利民喪其力

巽燕雀銜茅以生孚乳兄弟六人交好孝悌各得其願和悅

相樂

渙鶉尾奔奔火中戍軍號叔出奔下失其君

節兩人相距止不同舍夫妻離散衛侯失居

中孚駮為菑虐風吹雲却欲止不得反歸其宅

小過關雎淑女配我君子少姜在門君子嘉喜

既濟慈母赤子饗賜得土夷狄服降以安王室

小畜

未濟三足狐鳴靈鳴督卸思過罰惡自賊其家

履之第十

履 十鳥俱飛羿射九雌雄得獨全雖驚不危

乾 東向蕃垣相與笑言子般執鞭樂人作歡

坤 循河榜舟旁淮東遊漁父舉網先得大魚

屯 轅折輪破馬倚僕卧後旅失宿右足跌踈

蒙 兩人相伴相與恃戾心乖不同訟爭凶凶

需 北辰紫宮衣冠在中含和建德當受天福需之觀

訟 遊居石門祿祉安全受福西隣歸飲玉泉需之觀

師 羊腸九縈相推併前止須王孫乃能上天

比 爭訟相倍和氣不處陰陽俱否穀風母子

小畜 郭叔矩頤為棘所拘童顏重頽禍不成殃復歸其鄉

